

Bosna i Hercegovina  
Federacija Bosne i Hercegovine  
**KANTON SARAJEVO**  
Kantonalna uprava za inspekcijske  
poslove



Босна и Херцеговина  
Федерација Босне и Херцеговине  
**КАНТОН САРАЈЕВО**  
Кантонална управа за инспекцијске  
послове

2507  
3843

Bosnia and Herzegovina  
Federation of Bosnia and Herzegovina  
**CANTON SARAJEVO**  
Cantonal Administration for Inspection Issues

28-12-2021

Broj: 14-02-04-05526-2/21  
Sarajevo, Decembar 27. 2021. godine

15 04 38989-10-225 / 29

**SKUPŠTINA KANTONA SARAJEVO**  
(Na pažnju, predsjedavajućeg, Elvedina Okerića)

**PREDMET: Odgovor na zastupničku inicijativu broj: 01-04-38989-10/21 od 22.10.2021. godine pokrenutu od strane zastupnice Neire Dizdarević, dostavlja se;**

**VEZA: Zastupničko inicijativa broj: 01-04-38989-10/21 od 22.10.2021. godine**

Vašim aktom broj i datum veze, koji je zaprimljen dana 28.10.2021.godine, dostavili ste na nadležno postupanje Kantonalnoj upravi za inspekcijske poslove Kantona Sarajevo, zastupničku inicijativu koju je uputila zastupnica Neira Dizdarević na 43.Radnoj sjednici Skupštine Kantona Sarajevo, a koja glasi:

"Na osnovu molbe stanovnika naselja Tibra i Bulevar na Stupu molim da izvršite nadzor na odvozom smeća iz pomenutih naselja. Stanovnici ukazuju na nedovoljan broj kontejnera i njihovo neredovno pražnjenje, a naročito mole da provjerite da li svaki poslovni prostor u pomenutim naseljima ima odvojene posude za otpatke. Također mole da se provjere dvije zgrade koje se nalaze na adresi Stupska do broja 6 u kojoj se nalazi Gastro pub, kao i zgradu VIP Apartmani preko puta da li posjeduju vlastite kontejnere za odlaganje smeća."

Shodno sadržaju zastupničke inicijative dostavljamo sljedeći

#### **ODGOVOR**

Kantonalni komunalni inspektor Uprave za inspekcijske poslove Kantona Sarajevo je odmah po zaprimanju navedene zastupničke inicijative zastupnice Neire Dizdarević u skladu sa članom 30. Zakona o inspekcijama Kantona Sarajevo ("Službene novine Kantona Sarajevo", br. 2/17,37/21), po službenoj dužnosti pokrenuo usmjereni inspekcijski nadzor na navedene okolnosti.



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)  
Tel: + 387 (0) 33 770-100 (centrala)  
+ 387 (0) 33 569-870 (direktor)  
Fax: + 387 (0) 33 770-151, + 387 (0) 33 569-890  
Sarajevo, Aleja Bosne Srebrene bb

Tokom provedenog postupka izvršena je kontrola na licu mjesta, nadzor nad radom KJKP "RAD" d.o.o. Sarajevo i nadzor nad investitorom građenja objekata u naselju Tibra i Bulevar. Istovremeno, zatraženo je od Službe komunalnih redara da na licu mjesta vrše pojačanu kontrolu shodno članu 68. Zakona o komunalnoj čistoći ("Sl. novine Kantona Sarajevo", br.14/16, 43/16, 19/17, 20/18 i 22/19) te da o istom informišu ovaj organ. U vezi sa naprijed navedenim, utvrđeno je sljedeće: Postupajući po zahtjevu ovog organa, Služba komunalnih redara KJKP "RAD" d.o.o. Sarajevo je dostavila zapisnik br:11-013-96/21 od 23.11.2021.godine u kojem je navedeno sljedeće:

Pojačane kontrole u naselju Tibra i Bulevar na Stupu su vršene u periodu 08.11.2021. do 23.11.2021. godine u raznim vremenskim intervalima, te je konstatovano da se odvoz otpada u naselju Bulevar vrši u prvoj smjeni, a u naselju Tibra u poslijepodnevni satima svaki dan. U vrijeme kontrole površine oko posuda za otpad su zatečene uredne.

Postupajući po zahtjevu ovog organa kojim je zatraženo pismeno izjašnjenje u vezi stanja komunalne higijene, sakupljanja i odvoza komunalnog otpada i režima odvoza otpada u naseljima Tibra i Bulevar na Stupu, KJKP "RAD" d.o.o. Sarajevo je dostavilo informaciju broj: 02-01/07-19287/21 od 11.11.2021. godine, u kojoj se navodi:

Naselje Tibra Stup: Planom i Programom održavanja čistoće u Kantonu Sarajevo predviđeno je da se prikupljanje i transport otpada vrši tri puta sedmično (utorak, četvrtak i subota). Zbog velike količine otpada i malog broja posuda za otpad u ovom naselju, odvoz otpada se vrši sedam puta sedmično, odnosno svaki dan, što je mnogo češće od predviđenog Plana i Programa.

- Naselje Bulevar Stup:

Prikupljanje i transport otpada se vrši tri puta sedmično prema Planu i Programu održavanja čistoće u Kantonu Sarajevo. Način prikupljanja otpada u ovom naselju se vrši putem podzemnih posuda za otpad čiji kapacitet zadovoljava potrebe građana za odlaganje otpada u naselju. Kako se KJKP "RAD" d.o.o. Sarajevo nije očitovao na osnovu čega je planiran Plan i Program odvoza u naselju Tibra Stup (na osnovu kojeg broja posuda i prostornog razmještaja), a Zakonom o komunalnoj čistoći ("Sl. novine Kantona Sarajevo", br.14/16, 43/16, 19/17, 20/18 i 22/19) je propisano da se broj posuda mora odrediti tako da omogućava sakupljanje cjelokupnog otpada koji se stvara u objektu, odnosno na javnoj površini u vremenskom razmaku od jednog do drugog odvoza (čl 27.), odnosno da posude za novoizgrađene objekte (bez obzira na vrstu objekta) nabavljaju investitori, a za postojeće poslovne zgrade i prostorije nabavljaju njihovi korisnici (čl.29. stav (2)), ovaj organ je u daljem toku postupka zatražio dopunu informacije vezano za trenutni broj posuda za otpad u naselju Tibra Stup, te o broju posuda koje je potrebno obezbjediti u skladu sa navedenim zakonskim odredbama, a kako bi se održao zadovoljavajući nivo higijene u ovom naselju.

Tim povodom, KJKP "RAD" d.o.o. Sarajevo dostavio je dopis broj: 02-01/07-20701/21 od 06.12.2021. godine kojim je informisao sljedeće:

- U naselju Tibra Stup izgrađeno je 6 niša u kojima se trenutno nalaze 34 kontejnera zapremine 1100 litara, te da je prema broju stambenih jedinica u ovom naselju potrebno obezbjediti oko 250 kontejnera, odnosno posuda za otpad zapremine 1100 litara.

Dostavljena informacija ne sadrži podatke u prostornim mogućnostima za smještaj navedenog broja posuda.



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

U daljem toku postupka postupajući inspektor je u skladu sa članom 57. Zakona o inspekcijama Kantona Sarajevo ("Službene novine Kantona Sarajevo", br. 2/17, 37/21) sa ovlaštenim predstavnikom investitora firme "Tibra-Pacific" d.o.o. Kiseljak sačinio zapisnik broj: UP-1-14-06-19.5-22079/21 vezano za činjenice i dokaze koji su utvrđeni u postupku inspeksijskog nadzora, odnosno vezano za obaveze investitora koje su propisane čl. 27. i 29. stav (2) Zakona o komunalnoj čistoći ("Sl.novine Kantona Sarajevo", br.14/16, 43/16, 19/17, 20/18 i 22/19). Predstavnik investitora na zapisnik izjavi da je investitor u ranijem periodu pokušao postaviti veći broj posuda, prilikom čega su imali problem sa stanovnicima naselja Tibra koji nisu bili zadovoljni lokacijom posuda za otpad na koje ih je investitor locirao. Takođe, izjavi da je u prostorijama Općine Ilidža nedavno održan sastanak predstavnika Općine Ilidža, KJKP "RAD" d.o.o. Sarajevo i investitora, a u vezi u cilju rješavanja problema nedostatka adekvatnog prostora za smještaj potrebnog broja posuda za otpad i definisanja potencijalnih lokacija na koje bi se iste smjestile. U vezi sa svim naprijed navedenim, podsjećamo na sljedeće:

- Članom 18. Odluke o provođenju regulacionog plana "Stup-Nukleus" ("Sl.novine Kantona Sarajevo", br. 28/18) određeno je da je prostore za odlaganje kućnog otpada-kontejnere, potrebno predvidjeti u okviru vanjskog uređenja parcele jedne ili više kolektivnih objekata, ili utvrditi prostoriju u okviru samog objekta. Takođe je određeno da je kod izrade projektne dokumentacije za realizaciju kolektivnih stambenih i drugih objekata neophodno planirati lociranje prostora za odlaganje otpada (kontejnera) i to: na cca 15 stambenih jedinica planirati 1 kontejner.

- Elaboratom o lokacijama reciklažnih dvorišta, niša i zelenih otoka za područje devet općina Kantona Sarajevo, koji je 2019.godine izrađen od strane Zavoda za planiranje Kantona Sarajevo, predviđene su lokacije za prikupljanje otpada za područje Općine Ilidža, u sklopu kojeg su određene lokacije za područje Tibra Stup. Lokacije određene Elaboratom već duže vrijeme nisu dovoljne u odnosu na trenutno stanje i potrebe stanovnika.

S obzirom da stanje na terenu ukazuje na evidentan problem odvoza otpada sa ovog lokaliteta te da su sa svim upozati Općina Ilidža, KJKP "RAD" d.o.o. Sarajevo i investitor "Tibra-Pacific" d.o.o. Kiseljak u cilju prevazilaženja ovog stanja potrebno je da svi odmah poduzmu sve zakonom predviđene mjere za određivanje i obezbjeđivanje lokacija za smještaj posuda za odlaganje otpada na način koji će zadovoljiti potrebe stanovništva ovog naselja, a što je u skladu sa članom 21. Zakona o komunalnoj čistoći ("Sl.novine Kantona Sarajevo", br.14/16,43/16,1 9/17,20/18 i22/19). Investitor "Tibra-Pacific"d.o.o. Kiseljak ima obavezu da shodno članu 29. stav (2) Zakona o komunalnoj čistoći ("Sl.novine Kantona Sarajevo", br.14/16, 43/16, 19/17, 20/18 i 22/19) nabavi posude za odlaganje otpada kako odredi KJKP "RAD" d.o.o. Sarajevo. Posude mogu biti smještene samo na unaprijed određene lokacije.

Shodno tome, a u cilju zaštite javnog interesa u komunalnim djelatnostima, ovaj organ je aktom broj UP-1-14-06-19.5-22079/21 od 23.12.2021. godine, pozvao Općinu Ilidža, KJKP "RAD" d.o.o Sarajevo i investitora "Tibra-Pacific" d.o.o. Kiseljak da u skladu sa zakonskim obavezama i nadležnostima poduzmu sve odgovarajuće mjere i aktivnosti kako bi se navedene nepravilnosti otklonile i iznašlo efikasno trajno rješenje za problem odlaganja komunalnog otpada u naselju Tibra Stup, te da o poduzetom dostave informaciju ovom organu. O svemu naprijed navedenom obaviješteno je i resorno Ministarstvo komunalne privrede, infrastrukture, prostornog uređenja, građenja i zaštite okoliša.



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb

Pored naprijed navedenog obavještavamo da je, shodno zastupničkoj inicijativi, inspeksijskim nadzorom utvrđeno i sljedeće:

- Na adresi Stupska kod broja 6 smješteno je pet kontejnera za komunalni otpad zapremine 1100L. Dva kontejnera su u vlasništvu VIP Apartmani, a tri kontejnera pripadaju stambeno-poslovnom objektu (zgradi u kojoj se nalazi Gastro pub). Navedene posude za otpad su prilagođene uređajima i tehnološkom procesu rada KJKP "RAD" d.o.o. Sarajevo u skladu sa članom 22. stav (1) Zakona o komunalnoj čistoći ("Sl.novine Kantona Sarajevo", br. 14/16, 43/16, 19/17, 20/18 i 22/19)

**DIREKTOR**

**Mr. Fahr Halilović**

*Dostavlja se:*

1. Predsjedavajući Skupštine KS
2. Sekretar Skupštine KS
3. Sekretar Vlade KS
4. a/a



web: <http://kuip.ks.gov.ba>, mail: [kuip@kuip.ks.gov.ba](mailto:kuip@kuip.ks.gov.ba)

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, Aleja Bosne Srebrene bb